

05-01 / 11.08.17 / dky
05-03 / 14.08.17. CO

Bosna i Hercegovina
Federacija Bosne i Hercegovine
Zeničko-dobojski kanton
Zavod zdravstvenog osiguranja Zeničko-dobojskog kantona

e-mail: kzso.ze@bih.net.b

Broj: 01-6989 /17 I.M.

Zenica, 9.8.2017 godine

Bosna i Hercegovina
Federacija Bosne i Hercegovine
Zeničko-dobojski kanton
SKUPŠTINA
STRUČNA SLUŽBA

1316

11-08-2017	
01	02-10942-1/17

Predmet: Odgovor na postavljeno poslaničko pitanje;

Vezano za postavljeno poslaničko pitanje Čamila Zaimovića sa 45 sjednice Skupštine Zeničko-dobojskog kantona, a koje se odnosi na primjenu odredaba Zakona o zdravstvenom osiguranju kada su u pitanju naknade troškova u vezi sa korištenjem zdravstvene zaštite, dajemo sljedeći odgovor:

Zavod zdravstvenog osiguranja Zeničko-dobojskog kantona je već jednom dostavio odgovor na postavljeno pitanje vijećnika općinskog vijeća Breza, a odnosilo se na potpuno istu tematiku plaćanja putnih troškova osiguranicima pri korištenju usluga zdravstvene zaštite izvan mjesta stanovanja.

Zakon o zdravstvenom osiguranju ("Sl. novine Federacije BiH" broj: 30/97; 07/02; 70/08 i 48/11) u članu 31. navodi pravo osiguranika na naknadu putnih troškova u vezi sa korištenjem zdravstvene zaštite.

Članom 50. stav 3. Zakona o zdravstvenom osiguranju je navedeno da "Provedbene propise o visini, kriterijima i načinu korištenja naknade troškova prijevoza iz stava 1. i 2. ovog člana donijeti će nadležni organ kantonalnog zavoda zdravstvenog osiguranja". Zbog nedostatka finansijskih sredstava, jer najveći dužnici rudnici mrkog uglja godinama ne ispunjavaju svoju zakonsku obavezu plaćanja doprinosa za zdravstveno osiguranje, do danas nisu donešeni potrebni provedbeni propisi koji regulišu oblast priznavanja putnih troškova osiguranicima u korištenju zdravstvene zaštite izvan mjesta stanovanja.

Malo nam je čudno da se traže prava, a ne izvršavaju osnovne zakonske obaveze urednog i redovnog plaćanja doprinosa za zdravstveno osiguranje.

Podsjećamo da je za status osiguranog lica potrebno "uložiti u osiguravajući fond propisanu ili dogovorenu svotu novca u utvrđenim mjesečnim iznosima. Tako formirana sredstva koriste ulagači onda kada im je potrebna zaštita koja je osiguranjem predviđena (zdravstvena zaštita, naknada, pomoć i sl.). Bez toga nema osiguranja." pojašnjenje primjene Čl. 6 Zakona o zdravstvenom osiguranju - izvorni tekst Zakona o zdravstvenom osiguranju sa predgovorom i komentarom 1988 godina Sarajevo.

Napominjemo da Zavod zdravstvenog osiguranja na godišnjem nivou ugovori prevoz bolesnika sanitetskim vozilima u iznosu od 913 585,00 KM. Pravo na prevoz sanitetom utvrđuje nadležni ljekar tako da svako osigurano lice ima pravo na korištenje saniteta, na teret sredstava obaveznog zdravstvenog osiguranja.

Takođe je važno za istaknuti da je dostupnost usluga zdravstvene zaštite na području kantona veoma dobra, jer je implementacija ambulanti porodične medicine zatupljena u procentualnom iznosu od 96, a to znači da na svakih 1500-2000 osiguranih lica dolazi jedna ambulanta porodične medicine sa timom kojeg čini specijalista porodične medicine ili porodični doktor i dva medicinska tehničara sa edukacijom iz oblasti porodične medicine, kada se uzme u obzir da se većina potreba zdravstvenih usluga realizira u ambulanti porodične medicine, potreba korištenja prevoza osiguranih lica u druge zdravstvene ustanove je svedena na minimalnu mjeru.

Reorganizacijom rada konsultativno specijalističkih službi od 2005 godine Zavod zdravstvenog osiguranja Zeničko-dobojskog kantona je maksimalno približio usluge iz sljedećih specijalističkih oblasti: opća interna medicina, hirurgija, dermatovenerologija, otorinolaringologija

Bosna i Hercegovina
Federacija Bosne i Hercegovine
Zeničko-dobojski kanton
Zavod zdravstvenog osiguranja Zeničko-dobojskog kantona

e-mail: kzso.ze@bih.net.b

ortopedija i oftalmologija ,što znači da specijalističke preglede iz nabrojanih oblasti svako osigurano lice može dobiti u domicilnom domu zdravlja ,ne treba putovati u druge ustanove.

Provjerom smo ustanovili da većina kantonalnih zavoda zdravstvenog osiguranja u Federaciji Bosne i Hercegovine nema donešene bliže kriterije i ppdzakonske akte koji će regulisati oblast finansiranja prevoza osiguranih lica u toku korištenja usluga zdravstvene zaštite.

Smatramo veoma važnim za istaći da u Odluci o utvrđivanju osnovnog paketa zdravstvenih prava "Sl.novine Federacije BiH broj:21/09 ",nije navedeno pravo osiguranih lica na finansiranje prevoza u toku korištenja usluga zdravstvene zaštite ,kao osnovna prava osiguranog lica u paketu su navedena:

- zdravstvena zaštita,
- naknada plaće za vrijeme privremene spriječenosti za rad,
- lijekovi utvrđeni Odlukom o listi lijekova,
- korištenje ortopedskih i drugih pomagala saglasno listi ortopedskih pomagala.

U toku je procedura izrade novog Zakona o zdravstvenom osiguranju i Zavod zdravstvenog osiguranja Zeničko-dobojskog kantona će nakon usvajanja istog i nakon uređivanja naplate sredstava za obavezno zdravstveno osiguranje od velikih dužnika,odmah regulisati oblast finansiranja prevoza osiguranih lica u toku korištenja usluga zdravstvene zaštite.

S poštovanjem



DIREKTOR

Mirzeta Subašić dipl.oec.

Dostavljeno:
1x Naslovu
1x a/a